

Тепаликка кўтарилганда такбир, пастликка тушганда тасбеҳ айтиш



09:50 / 08.07.2025 1464

Жобирдан розияллоҳу анҳудан ривоят қилинади: Бу зот: «Агар тепаликка кўтарилсак, такбир айтардик. Агар пастликка тушсак, тасбеҳ айтардик», деб айтдилар.

Имом Бухорий ривояти.

Ибн Умар розияллоҳу анҳудан ривоят қилинади:

«Расулулоҳ соллаллоҳу алайҳи васаллам ва аскарлари агар тепаликка кўтарилишса, такбир айтишар эди. Агар пастликка тушишса, тасбеҳ айтишар эди.

Абу Довуд ривояти.

Ибн Умар розияллоҳу анҳудан ривоят қилинади:

«Расулуллоҳ соллаллоҳу алайҳи васаллам агар ҳаж ёки умрадан (ровий: «ғазот, деб айтганларини биламан, холос», дедилар) қайтадиган бўлиб, тепалик ёки саҳро ерига кўтариладиган бўлсалар, уч марта такбир айтиб, сўнгра:

رَبِّ دَقِئْ شِرْكِي لَعْنَةُ وَعَوْءُ دَمْحَلِ الْعَوِّ، وَكُلُّ مَلَأَةٍ، لَعْنَةُ كَيْرِشِ الْعَدْحِ وَالْإِلَهِ الْإِلَهِ
بِأَنْحَالِ مَرْوَةٍ، دَبَّعَ رَصَنَ وَدَعَّوْهُ لَلْأَقْدَاصِ، وَوَدَّمَ أَحْأَنَّ بَرْلَانَ وَوَدَّ بَاعَ نُوْبِي
وَدَّحْ

«Лаа илаҳа иллаллоҳу ваҳдаҳу ла шарика лаҳу, лаҳул мулку ва лаҳул ҳамду ва ҳува ъала кулли шайин қодийр. Айбуна абидуна сажидуна лироббина ҳамидуна, содақоллоҳу ваъдаҳу ва насоро абдаҳу ва ҳазамал аҳзоба ваҳдаҳу», деб айтардилар.

Маъноси: «Якка Аллоҳдан бошқа илоҳ йўқ. Унинг шериги ҳам йўқ. Мулк У учундир. Ҳамд ҳам У учундир. У ҳар бир нарсага қодирдир. (Бизлар) қайтгувчи, тавба қилгувчи, ибодат қилгувчи ва Раббимизга ҳамд айтгувчилармиз. Аллоҳнинг ваъдаси ҳақдир. Қулига нусрат бериб, аҳзобларни (гуруҳларни) якка Ўзи енгади.

Имом Бухорий ва Муслим ривоятлари.

**Имом Нававийнинг «Ал-Азкор» китобидан
Таржимон Анвар Аҳмад**

Ўзбекистон Республикаси Дин ишлари бўйича қўмитанинг 2290-рақамли хулосаси асосида тайёрланган.